

五邊典則

顧廷龍署



五邊典則

卷五

玉邊典則卷之七

信安徐日久子聃父集

勾餘施邦曜爾韜父
閩漳張燮紹和父

全較

弘治十八年五月時正德初虜大舉入寇宣
府營于牛心山黑柳林等處長濶二十餘里
巡撫都御史李進總兵官都督僉事張俊初
得諜報卽議分兵禦之左叅將李稽軍新開
口副總兵白玉軍萬全右衛遊擊將軍張雄
軍新河口大同副總兵黃鎮遊擊將軍穆榮

王通典卷八
軍柴溝等堡合萬五千人旣而虜由新開口
毀垣而入稽遽前迎敵玉鎮雄榮各率所部
相拒于虞臺嶺虜擁衆大至軍爲所誘不得
應援俊率所部三千人援之至萬全右衛城
東墜馬傷足以兵屬都指揮曹泰代援泰至
鹿角山爲虜所圍俊力疾調監鎗內官李增
等兵五千人人持三日糧馳與虜戰乃解泰
圍復進兵援鎮鎮得入俊營分遣部兵取路
援稽等稽玉乘勢力戰亦潰圍而出與俊合

獨雄榮二營阻山澗援兵爲虜所扼不得前
虜縱騎蹂二營雄榮遇害衆得脫者纔十二
三諸軍被圍困六七日人馬饑乏俊等度力
不能支收兵還虜躡其後且戰且行僅得入
萬全右衛城進俊各告急

命兵部卽議處以聞是役也官軍死者二千一
百六十五人傷者一千一百五十六人失馬
六千五百餘匹掠去婦女畜產器械不可勝
計議者謂己巳年兵禍以後所未有也俊等

復奏虜衆日增恐兵力不支請發京軍策應
上命都指揮陳雄張澄俱充右叅將各率京營
兵二千人以往限一日啓行旣而以守臣告
急復

命都督李俊神英充叅將各領兵二千馳往援
之人賞銀貳兩布貳疋時邊人傳虜至宣府
城下出懷中餅及麻布冠示人曰此何物也
蓋嘗有謀者來京知國有大喪因市餅與冠
以去關禁之不嚴如此

庚戌

命太監苗達監督軍務保國公朱暉佩征虜將
軍印克總兵官右都御史史琳提督軍務太
監張林管理神鎗銳砲都督同知李俊都督
僉事神英克左叅將都指揮同知陳雄都指
揮僉事張澄克右叅將統領京營官軍往宣
府征勦

命戶部左侍郎王儼兼都察院右僉都御史整
理宣府糧草辛亥兵部以虜勢猖獗議上殺

賊賞格緣邊軍民舍餘斬虜首一級者給銀三十兩願陞者如例加陞民餘給冠帶名爲義勇復其徭役若糾集鄉丁斬首五級以上爲首者陞署所鎮撫其奪回被虜頭畜以十之四克賞事寧停止不爲例從之

太監苗達等奏叅將李俊神英所領兵少乞益之兵部議宣府去京不遠宜待達等至彼量賊勢再請

上命益以六千通前爲二萬人令亟往應援復

請兵部於團營簡兵二萬人令武定侯郭良懷
寧侯孫應爵督操以待之將官有常經戰陣
任兵事者仍訪舉三四備用既而兵部疏左
軍都督萬全都司都指揮使孫成綏衛同知
劉釗西安衛署指揮同知馬隆可

上用仍

命博舉有勇畧者

六月兵部言宣府官軍與虜持久雖發京軍
策應終不若土著之兵便於戰守請募土人

願報効驗其年籍人給銀三兩及馬匹器械
編成隊伍與官軍協力殺賊有功照例陞賞
事定歸農者聽其願留者寄名近衛月給糧
一石老則除之

選保定河間達官軍舍一千二百人令指揮
馮安領之赴邊聽都御史史琳等調用殺賊
人賞銀二兩布二疋

七月都御史史琳奏宣大賊勢猖獗乞

勅兵部集

廷臣議處給事中尚衡亦言新開口之敗將官死者四十餘人虧折人馬甚衆叅將李稽遊擊穆榮副總兵黃鎮白玉等深入窮追俱墮賊手以致虜益縱橫劫掠人畜如入無人之境言之可爲痛恨

朝廷命將出師復以保國公朱暉克總兵以都御史史琳爲總制此二人者嘗兩總宣府榆林兵事一無成功軍民聞今復用之皆有無人之歎况醜虜之謀之勢殊非昔日如架梁

哨高臺營布陣皆効

中國至如盔甲旗牌彼亦得諸搶奪而用之姦
勢採訪又或過我軍之虛實強弱無有不先
知者則彼暉琳之智勇亦有不必言矣乞早
爲之所以絕方來之患俱下兵部會議以聞
僉謂二鎮主兵幾八萬客兵餘三萬將領十
四五人京營調遣者又六人若使監督提督
總兵等官果能秉公仗義推誠調度未必不
能効力而成功也於是仍

勅苗達等令用心調度相機戰守務圖成功

八月大同守臣奏北虜擁衆入寇四散無忌
上以官軍不聞防禦

命所司看詳以聞兵部言據報虜賊拆墻攻墩
及散漫屯駐者五十餘處追虜人畜蹂豆麥
殺墩軍者二十餘處未報之數不知幾何其
中或數騎或數十騎初非衆寡不敵而我將
士四集未聞有防禦截殺者後患可憂宜令
巡按御史查明叅奏仍令監督總兵提督官

五邊典則 卷七
令思蚤建殊勳不可自取顯戮報可

正德元年五月戶部議覆本部左侍郎王儼
言邊務四一清邊地謂宣府平衍土地故屯
田也景泰中被在京僧寺黃緣陳乞霸占爲
莊者不下十餘處以致屯種失業邊餉匱乏
宜行撫按等官覈實分給無屯軍人及新招
土兵承種驗畝定賦徵收子粒庶屯額不失
而邊儲有賴矣一計邊餉謂大同宣府二鎮
城堡道理遠近不同折放官軍俸糧銀兩宜

區別定擬分爲等第如宣府北路獨石馬營
青泉雲州鎮安鎮寧等堡孤懸口外輸運頗
艱大同右衛霜旱地寒穀粟少生之所爲一
等每石不得過七錢四海冶赤城龍門鵬鶚
滴水崖金家庄并中路葛峪等堡西路萬全
左右懷安等衛沿邊洗馬林柴溝堡西陽河
大同左威遠平虜井坪懷仁等衛所并二鎮
會城陽和天城爲二等每石不得過六錢朔
州應州渾源山陰馬邑蔚州廣昌順聖川東

西二城保安懷來隆慶永寧爲三等每石不
得過五錢如遇年豐穀歉巡撫管糧官因時
酌量平準增減庶輕重不至無別而公私俱
得其平矣一處倉場謂大同威遠倉廩原數
少平虜及順聖川西城草場窄隘所積不多
天城草場岐爲二處且逼近居民難免意外
之患宜行二鎮管糧官踏勘從宜增展改移
及將天城草場併作一處以便護視或外築
夾牆一道以遠煙爨庶儲峙可多而外患可

免矣一遷站堡謂大同高山站堡傳報聲息
按伏軍馬實當驛路要衝之地但堡基下濕
潮鹵糧草損泄宜行鎮巡守等官酌量議處
卽爲度高燥善地修築城池起構倉場以儲
糧草庶邊軍遂安土之願而蓄免虧損之虞
矣

詔如議

八月巡撫大同都御史歐信奏大同各路十
六城堡每歲倉儲通夏稅秋糧及屯田子粒